



Broj: 12-11-15-654/21
Sarajevo, 8. 3. 2021. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke licenci Office 365 putem konkurentskog zahtjeva za dostavu ponuda za potrebe Ureda za reviziju institucija u Federaciji BiH (obavještenje o nabavci broj: 296-7-1-4-3-5/21, objavljeno na Portalu javnih nabavki 26. 1. 2021. godine) date u Zapisniku o pregledu i ocjeni ponuda, broj: 12-11-15-85-6/21 od 3. 3. 2021. godine, generalni revizor donosi

ODLUKU

o izboru najpovoljnijeg ponuđača u postupku nabavke licenci Office 365 putem konkurentskog zahtjeva za dostavu ponuda

I

U postupku nabavke licenci Office 365 za potrebe Ureda za reviziju institucija u Federaciji Bosne i Hercegovine za budžetsku 2021. godinu putem konkurentskog zahtjeva za dostavu ponuda, Ugovorni organ donio je odluku o izboru najpovoljnije ponude ponuđača PRINTEX d.o.o.

II

Ova odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja.

O b r a z l o ž e n j e

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-85/21 od 12. 1. 2021. godine, pokrenuo je postupak za nabavku licenci Office 365 putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine za budžetsku 2021 godinu.

Obavještenje o javnoj nabavci broj: 296-7-1-4-3-5/21 objavljeno je na Portalu javnih nabavki 26. 1. 2021. godine.

Postupak je provela Komisija imenovana Rješenjem generalnog revizora broj: 12-11-15-85-1/21 od 21. 1. 2021. godine, koja je sačinila: Zapisnik o zaprimanju ponuda broj: 12-11-15-85-4/21 od 15. 2. 2021. godine, Zapisnik o otvaranju ponuda od 15. 2. 2021. godine, Analitički prikaz traženih i dostavljenih dokumenata-Kvalifikacija ponuđača broj: 12-11-15-85-5/21 od 25. 2. 2021. godine, Zapisnik o pregledu i ocjeni ponuda broj: 12-11-15-85-6/21 od 3. 3. 2021. godine.

U predmetnom postupku nabavke i nadmetanju, Ugovornom organu sedam ponuđača je dostavilo ponude, i to: Purple Key d.o.o., MIBO Komunikacije d.o.o., IT Systems d.o.o., PRINTEX d.o.o., Konzorcij Digitalija d.o.o. Sarajevo i Sys Company d.o.o. Sarajevo, Logosoft d.o.o. i BH Telecom d.d. Sarajevo.

U postupku pregleda i ocjene ponuda utvrđeno je:

- Ponuđači PRINTEX d.o.o. i Logosoft d.o.o. dostavili su svu traženu dokumentaciju na način zahtjevan Tenderskom dokumentacijom i time dokazali da ispunjavaju kvalifikacione uslove utvrđene Tenderskom dokumentacijom;
- Ponuđač Purple Key d.o.o. u obrascu za cijenu ponude nije naveo zemlju porijekla (navedeno Microsoft BiH), što je suprotno zahtjevima Tenderske dokumentacije u kojoj je navedeno: „u slučaju da ponuđač ne popuni obrazac u skladu sa postavljenim zahtjevima, za sve stavke koje su navedene, njegova ponuda će biti

odbačena". Pored toga u opisu Tehničke specifikacije nedostaje detaljan opis ponuđenog, jer nije data informacije o tome koji program licenciranja se nudi. Shodno navedenom, ponuda nije prihvatljiva, s obzirom da u opisu ponuđenog nije navedeno koji program licenciranja se nudi, zbog čega ugovorni organ nije mogao potvrditi da je ponuda u skladu sa zahtjevima Tenderske dokumentacije;

- Ponuđač MIBO komunikacije d.o.o. u Obrascu za cijenu ponude nije naveo zemlju porijekla, što je suprotno zahtjevima Tenderske dokumentacije u kojoj je navedeno: „u slučaju da ponuđač ne popuni obrazac u skladu sa postavljenim zahtjevima, za sve stavke koje su navedene, njegova ponuda će biti odbačena“;
- Ponuđač IT Systems d.o.o. u opisu Tehničke specifikacije nije naveo informacije o tome koji program licenciranja se nudi. Shodno navedenom, ponuda nije prihvatljiva, obzirom da u opisu ponuđenog nije navedeno koji program licenciranja se nudi, zbog čega ugovorni organ nije mogao potvrditi da je ponuda u skladu sa zahtjevima Tenderske dokumentacije;
- Ponuđač Konzorcij Digitarija d.o.o. i Sys company d.o.o. nije zadovoljio zahtjevima Tenderske dokumentacije s obzirom da izjava iz člana 45. Zakona o javnim nabavkama (Ankes IV) člana grupe- Sys Company d.o.o. ne sadrži sve elemente date u Aneksu IV Tenderske dokumentacije, odnosno dostavljena Izjava ne sadrži informaciju da ponuđač nije propustio ispuniti obavezu u vezi sa plaćanjem penzionog i invalidskog osiguranja i zdravstvenog osiguranja u skladu sa važećim propisima u BiH. Pored toga u opisu Tehničke specifikacije nije detaljno opisao ponuđeno, odnosno nije navedena informacija o kom programu licenciranja se radi. Shodno navedenom, ponuda nije prihvatljiva, obzirom da u opisu ponuđenog nije navedeno koji program licenciranja se nudi, zbog čega ugovorni organ nije mogao potvrditi da je ponuda u skladu sa zahtjevima Tenderske dokumentacije.
- Ponuđač BH Telecom d.d. u opisu Tehničke specifikacije nije dao informaciju o kojem programu licenciranja se radi. Shodno navedenom, ponuda nije prihvatljiva, obzirom da u opisu ponuđenog nije navedeno koji program licenciranja se nudi, zbog čega ugovorni organ nije mogao potvrditi da je ponuda u skladu sa zahtjevima Tenderske dokumentacije.
- Primjenjena je e-aukcija u skladu sa tačkom 2.5 Tenderske dokumentacije;
- E-aukcija je održana dana 26. 2. 2021. godine u 14 sati;
- Na e-aukciju su pozvani ponuđači Logosoft d.o.o. i PRINTEX d.o.o.
- prema izvještajima o toku i završetku e-aukcije, najpovoljniji ponuđač je PRINTEX d.o.o.

Na prijedlog Komisije, Ugovorni organ je donio odluku kao u dispozitivu.

Pouka o pravnom lijeku:

U skladu s članom 99. i 101. Zakona o javnim nabavkama, protiv ove odluke može se uložiti žalba u roku od 5 (pet) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostavljeno:

- Purple Key d.o.o.
- MIBO komunikacije d.o.
- IT Systems d.o.o.
- PRINTEX d.o.o.
- Konzorcij Digitarija d.o.o. Sarajevo i Sys Company d.o.o.
- Logosoft d.o.o.
- BH Telecom d.d.
- u spis predmeta nabavke
- a/a

